

# FORUM ONG TIMOR LESTE THE TIMOR LESTE NGO FORUM



Rua do Mercado Municipal , Dili Timor-Leste/ Mobile Phone +670 77999304/ 77236782/ [forumong.tl@gmail.com](mailto:forumong.tl@gmail.com), [joao.fongtil@gmail.com](mailto:joao.fongtil@gmail.com)/ <https://fongtil.org.tl>

## RELATÓRIU MONITORIZASAUN VASINA SEMANA DA-UALU

09-13 Agostu 2021

### Introdusaun

Forum ONG Timor-Leste (FONGTIL) kontinua enkoraja membru sira hodi kontinua halo monitorizasaun ba Vasina iha territóriu tomak atu aseguira iha retroasaun (feedback) ba prestasaun servisu mak iha kualidade, efikásia no inkluzivu, aseguira komidade ninia direitu hodi asesu ba informasaun, hasa'e taxa partisipasaun iha vasina hanesan meius hodi kontribui ba prevensaun COVID-19.

Dadus sira ne'e rekolla liu husi ONG sira halo vizita direta fatin vasinasaun, no rezultadu analiza sira, ho prezentasaun pontuasaun ( 1 ladi'ak, 2 Ladún/natoon no 3 kategoria di'ak liu).


Nune'e iha laron 09-13 Agostu 2021, membru Forum ONG Timor-Leste (FONGTIL) hamutuk 13 mak halo monitorizasaun kobre Aileu, Baucau, Bobonaro, Dili, Ermera, Lautem, Liquiçá ho Manatuto, kobre pontu facilidade saúde 19 iha semana ida nia laran. (Detallu bele haree iha tabela aneksu).

No.	Munisipiu	Organizasaun	Fatin Monitorizasaun
1.	Aileu	Aileu Resource and Training Center (ARTC)	Centro Saúde Namolesso Postu Lequidoe Postu Sisca Betulau
		HIS, ,	Centro Saúde Aileu Vila
2.	Baucau	AUFD	Sentru Saúde Uailili
		AUFD	Sentru Saúde Riamari
		AUFD	Sentru Saúde Bucoli
		FUPB	Sentru Saúde(CS) Postu Laga
3.	Bobonaro	Fundasaun Haburas Moris (FHM)	Postu Maliana, Suco Holsa, Aldeia Solugolo
		Fundasaun Haburas Moris (FHM)	Postu Cailaco , Suco Manapa , Aldeia Lugululi
		Fundasaun Haburas Moris (FHM)	Postu Cailaco, Suco Atudara, Aldeia Atubuty
		Fundasaun Haburas Moris (FHM)	Postu Balibo, Suco Leo Hito, Aldeia Flowai
4.	Dili	Forum tau Matan (FTM)	Sentru Saúde Formosa
		Forum tau Matan (FTM)	Sentru Saúde Formosa
		Forum tau Matan (FTM)	Sentru Saúde Formosa
		SHC	Centro Saúde Komunitária Becora
		SHC	Centro Saúde Komunitária Becora
		SHC	Centro Saúde Komunitária Becora
		ANCT-TL	Sentru Vera Cruz ho SAMES
5.	Ermera	Institutu Matadalan Integradu-IMI	Postu Saúde Letefoho
		HDI	Postu Saúde Railaco
6.	Lautem	A.HFTL	Sentru Saúde Postu Iliomar,

7.	Liquiçá	Radio Comunidade Tokodede (RCT)	Postu Saúde Maubara
8.	Manatuto	Asosiasaun Moris Foun Manatuto	Postu Manatuto Vila

### Análize no Deskobertura

Husi dadus mak prezenta iha figura 1, okos, haktuir ba indikadór sira husi tópiku monitorizasaun nian hanesan faze rejistu nian no tempu, treinamentu no promosaun sira, fatin no asesibilidade,




koñesimentu no konsiênsia comunidade, konsultasaun no vasinasaun, jestaun ba lixu no jestaun ba dadus hatudu, valor tun liu iha Postu Saúde Railaco, Vera Crus, Postu Saúde Letefoho, Sentru Saúde Aileu Vila no Bucoli. Maske dadus jerál hanesan ne'e maibé iha indikadór espesifiku sira mak kontribui hanesan: Asesibilidade, sei menus partisipasaun, kompriensaun comunidade nian, laiha material ijiene nian iha fatin vasina, menus fasilidade hanesan kadeira hodi fasilidade comunidade bele tuur.

1. Assesível ba ema ho defisiênsia, sei sai nafatin preokupasaun iha monitorizasaun semana ida ne'e, liu-liu iha fatin sira Sentru Saúde Formosa, Sentru Saúde Lequidoe no Sentru Saúde Riamari.
2. Sei menus kompriensaun no konsiênsia husi comunidade, monitorizasaun mak halo semana ida deskobre katak comunidade balun seidauk kompriende kona-ba distânsia tempu simu vasina primeiru ho vasina segundu, iha Bobonaro Suku Holsa no Suku Manapa, comunidade mai ezi je atu hetan vasina segundu doze lalais maske tempu seidauk too, nune'e distânsia sosiál no uza máskara seidauk sei sai kestaun iha fatin sira balun.
3. Partisipasaun Komunitade, husi monitorizasaun semana ne'e nota mós katak comunidade ne'ebé hela iha fatin dook labele mai partisipa no balun labele partisipa tanba sei trauma

(Postu Saúde Letefoho) ho rumores sira mak agora daudauk espalla iha media sosiál no konta husi ibun ba ibun.

4. Falta facilidade ijiene nian iha fatin vasina nian, no facilidade sira seluk. Asuntu hirak ne'e sei preokupa nafatin iha fatin balun, nune'e mós material sira hanesan kadeira hodi facilita ema sira hodi tuur no halo observasaun (Sentru Saúde Uailili, Sentru Saúde Riamari).

Bainhira haree ba dadus sumaríu (Gráfiku 2) valor médiu husi variable monitorizasaun no indikadór sira, konklui koñesimentu no konsiénsia komunidade mak hetan valor ki'ik liu kompara ho variabel 6 sira seluk, variabel segundu kategoria valor ki'ik mak fatin no ninia asesibilidade, variable terseiru mak treinamentu no promosaun sira, husi parte treinamentu kuaze pesoál saúde sira mak halo vasina hotu-hotu asesu ona ba treinamentu, maibé oinsá asegura promosaun sira iha fatin vasina hodi hasa'e konsiénsia komunidade mak area balun importante atu toma iha konsiderasaun.



### Rekomendasaun sira

1. Presiza kria kondisaun atu ema ho defisiénsia bele asesu mai vasina iha fatin hotu iha Timor laran, liu-liu iha Sentru Saúde Formosa, Sentru Saúde Lequidoe no Sentru Saúde Riamari.
2. Presiza hasa'e liu tan kampaña ba fatin rural sira, no iha facilidade saúde kona-ba regra vasinasaun, kria kondisaun no organiza distánsia sosiál iha fatin vasinasaun nian. Tarjetu kampaña ba Timor tomak liu-liu iha Bobonaro Suku Holsa no Suku Manapa.
3. Presiza hasa'e rekursu ema hodi kobre fatin dook sira, liu husi kooperasaun ho lider komunidade, inklui kampaña hodi halakon rumores no harii fali konfiansa povu mai facilidade saúde sira, hanesan iha Postu Saúde Letefoho, Railaco no fatin sira seluk.
4. Kompletu facilidade ijiene nian iha facilidade saúde, sentina, fatin observasaun no kadeira hodi facilita komunidade sira bele sente konfortavel iha fatin vasinasaun, liu-liu hanesan Sentru Saúde Uailili no Sentru Saúde Riamari.

### **Foku ba Monitorizasaun tuir mai:**

Fulan rua ona FONGTIL lidera membru sira hodi halo monitorizasaun, no iha fulan rua refere rekoñese iha progresu lubuk ida, prosesu rejistu no tempu ladún sai preokupasaun barak iha semana ikus hirak ne'e, jestaun ba lixu no jestaun ba dadus vasina nian bein organizadu, nune'e semana sira tuir mak ekipa sei foku barak liu ba asuntu partisipasaun, hodi asegura ema hotu-hotu bele asesu ba vasinasaun, no nafatin kumpre ba Protokolu sira seluk hanesan distánsia, faseliman no uza máskara. Pergunta hirak ne'e mak hanesan:

1. Oinsá esforsu hodi hasa'e konsiénsia komunidadade nian kona-ba importánsia simu vasina?
2. Oinsá prosesu atendentu pesoál saúde iha fasilidade saúde sira?
3. Oinsá preparasaun lojstiku no ai-moruk vasina nian iha fasilidade saúde, suficiente?
4. Oinsá ho apoia husi lider komunitária sira ou parte relevante sira hodi hasa'e taxa partisipasaun iha vasina?
5. Oinsá taxa partisipasaun komunidadade nian iha vasinasaun?
6. Oinsá perspetiva komunidadade, ou parte relevante sira kona-ba vasina iha fatin ne'e?
7. Husi monitorizasaun sira mak halo ona iha tempu sira liu ba oinsá ho ninia progresu?.

**Daniel Santos do Carmo**

**Diretór Ezekutivu FONGTIL**